

合部金光明經

卷三

百三十三  
化三

48146



元禧九年壬子二月日重修  
 帝齋銀呂  
 懋輪常轉  
 山戒州五安寺法金剛院置



15

合部金光明經卷第三

化

隋大興善寺沙門 寶貴合入徐纂

陀羅尼最淨地品第六

是時師子相無礙光炎菩薩與無量億衆從  
座俱起偏袒右肩右膝著地合掌恭敬頂禮  
佛足以種種華香寶幢幡蓋以為供養而作  
是言以幾因緣得菩提心何者是菩提心世  
尊於菩提者現在心不可得未來心不可得  
過去心不可得離菩提者菩提心亦不可得  
菩提者不可言說心者亦無色無相無事業  
非可造作衆生者亦不可得亦不可知世尊  
云何諸法甚深之義而可得知



佛言善男子菩提秘密事業造作不可得知  
離菩提菩提心亦不可得菩提者不可言說  
心亦無相衆生亦不可得知何以故如意心  
亦如是如心菩提亦如是如心如菩提衆生  
亦如是如衆生一切三世法亦如是

佛言善男子如是菩薩摩訶薩得名是心通  
一切法是說菩提菩提心菩提非過去非未  
來非現在心亦如是衆生亦如是於如此中  
亦不可得何以故一切法無生故菩提不可  
得菩提名不可得衆生衆生名不可得聲聞  
聲聞名不可得緣覺緣覺名不可得菩薩菩  
薩名不可得佛佛名不可得行非行不可得

行非行名不可得於一切寂靜法中而得安  
住依一切功德善根而得發出是名初發菩  
提心譬如寶須彌山王是名檀波羅蜜因第二  
發心譬如大地持一一法事故是名尸波羅  
蜜因譬如師子臆長豪獸王有大神力獨步  
無畏無有戰怖如是第三心說犀羴提波羅蜜  
因譬如風輪那羅延力勇壯速疾如是第四  
心不退轉是名毗梨耶波羅蜜因譬如七寶  
樓觀有四階道清涼之風來吹四門如是第  
五心生種種功德法藏猶未滿足是名禪波  
羅蜜因譬如日輪光耀炎盛如是第六心能  
破滅生死大暗故是名般若波羅蜜因譬如

大富商主能令一切心願滿足如是第七心  
能令得度生死險惡道故能令得多功德寶  
故是名方便勝智波羅蜜因譬如月淨圓滿如  
是第八心一切境界清淨具足故是名願波羅  
蜜因譬如轉輪聖王主兵寶臣如意處分如  
是第九心善能莊嚴清淨佛土功德普洽廣  
利一切故是名力波羅蜜因譬如虛空及轉輪  
聖王如是第十心於一切境界皆悉通達故  
於一切法自在至灌頂位故是名智波羅蜜因  
佛言善男子如是十種菩薩摩訶薩菩提心  
因佛言善男子依五種法成就菩薩摩訶薩  
檀波羅蜜何者為五一者信根二者慈悲三

考無求欲心四者攝受一切衆生五者願求  
一切智智是善男子依是五法檀波羅蜜能  
得成就佛言善男子依是五法菩薩摩訶薩  
成就尸波羅蜜何者爲五一者三業清淨二  
者不爲一切衆生作煩惱因緣三者斷諸惡  
道開善道門四者過於聲聞緣覺之地五者  
一切功德願滿足故善男子依是五法尸波  
羅蜜能得成就佛言善男子又依五法菩薩  
摩訶薩成就羣提波羅蜜何者爲五一者伏  
貪瞋煩惱二者不惜身命不生安樂止息之  
觀三者思惟往業四者爲欲成熟一切衆生  
功德善根發慈悲心五者爲得甚深無生法

忍善男子是名菩薩摩訶薩成就羣提波羅  
蜜佛言善男子又依五法菩薩摩訶薩成就  
毗梨耶波羅蜜何等為五一者與諸煩惱不  
得共住二者福德未具不得安樂三者一切  
難行不生獸心四者為欲利益一切衆生成  
就大慈悲攝受五者願求不退轉地善男子  
是名菩薩摩訶薩成就毗梨耶波羅蜜

佛言善男子又依五法成就菩薩摩訶薩禪  
那波羅蜜何等為五一者一切善法攝持不  
散二者解脫生死二處不著三者願得神通  
為成就衆生善根故四者發心洗浣法界為  
清淨心故五者為斷衆生一切煩惱根故善



男子是名菩薩摩訶薩成就禪那波羅蜜佛  
言善男子又有五法菩薩摩訶薩成就般若  
波羅蜜云何爲五一者一切諸佛菩薩聰慧  
大智供養親近心無厭足二者諸佛如來說  
甚深法心常樂聞無有厭足三者真俗勝智  
四者見思煩惱如是勝智能分別斷五者於  
世間五明之法皆悉通達善男子是名菩薩摩  
訶薩成就般若波羅蜜佛言善男子又依五  
法菩薩摩訶薩成就方便勝智波羅蜜何者  
爲五一者於一切衆生意欲煩惱行心悉通  
達二者無量對治諸法之門心皆曉了三者  
大慈大悲入出自在四者於摩訶波羅蜜多

能修行成熟滿足悉皆願求五者一切佛法  
了達攝受皆悉願求善男子是名菩薩摩訶  
薩成就方便勝智波羅蜜

佛言善男子又有五法菩薩摩訶薩成就願  
波羅蜜何者為五一者於一切法本來不生  
不滅不有不無心安樂任二者觀一切諸法

最妙一切垢清淨心得安任三者過一切相  
心如如無作無行不異不動安心於如四者  
為利益衆生事於俗諦中得安心任五者於  
奢摩他毗鉢舍那同時能任善男子是名菩  
薩摩訶薩成就願波羅蜜佛言善男子依此  
五法菩薩摩訶薩成就力波羅蜜何者為五

一者一切衆生心行險惡智力能解二者能令一切衆生入於甚深之法三者一切衆生往還生死隨其因緣如是見知四者於一切衆生三聚智力能分別知五者如理爲種爲熟爲脫如是說法皆是智力故善男子是名菩薩摩訶薩成就力波羅蜜

佛言善男子復有五法菩薩摩訶薩修行成就智波羅蜜何等爲五一者於一切法分別善惡具足智能二者於黑白法遠離攝受具足智能三者於生死涅槃不厭不喜具足智能四者大福德行大智慧行得度究竟具足智能五者一切諸佛不共法等及一切智智

具足灌頂智能善男子是名菩薩摩訶薩成  
就智波羅蜜佛言善男子何者波羅蜜義行  
道勝利是波羅蜜義大甚深智滿足是波羅  
蜜義行非行法心不執著是波羅蜜義生死  
過失涅槃功德正覺正觀是波羅蜜義愚人  
智人皆悉攝受是波羅蜜義能現種種珍妙  
法寶是波羅蜜義無礙解脫智滿足是波羅  
蜜義法界衆生界正分別知是波羅蜜義檀  
等及智能令至不退轉地是波羅蜜義能令  
滿足無生法忍是波羅蜜義一切衆生功德  
善根能令成熟是波羅蜜義於菩提道場佛  
慧十力四無畏不共法等成就是波羅蜜義

生死涅槃皆是妄見能度無餘是波羅蜜義  
濟度一切是波羅蜜義一切外人來相詰難  
善能解釋令其降伏是波羅蜜義能轉十二  
行法輪是波羅蜜義無所著無所見無患累  
無異思惟是波羅蜜義是善男子初菩薩地  
是相前現三千大千世界無量無邊種種寶  
藏皆悉盈滿菩薩悉見善男子菩薩二地是  
相前現三千大千世界地平如掌無量無數  
種種妙色清淨之寶莊嚴之具菩薩悉見善  
男子菩薩三地是相前現自身勇健鎧仗莊  
嚴一切怨賊皆能摧伏菩薩悉見善男子菩  
薩四地是相前現四方風輪種種妙華悉皆

散灑圓滿地上菩薩悉見善男子菩薩五地  
是相前現如寶女人一切莊嚴其身頂上散  
多那華妙寶纓絡貫飾身首菩薩悉見善男  
子菩薩六地是相前現七寶華池有四階道  
金沙遍滿清淨無穢八功德水皆悉盈滿鬱  
波羅華拘物頭華分陀利華莊嚴其地於華  
池所自身遊戲快樂清淨清涼無比菩薩悉  
見善男子菩薩七地是相前現左邊右邊應  
墮地獄以菩薩力故還得不墮無有損傷無  
有痛惱菩薩悉見善男子菩薩八地是相前  
現左邊右邊師子臆長豪獸王一切衆獸悉  
皆怖畏菩薩悉見善男子菩薩九地是相前

現轉輪聖王無量億衆圍遶供養頂上白蓋  
無量衆寶之所莊嚴以覆於上菩薩悉見善  
男子菩薩十地是相前現如來之身金色晃  
耀無量淨光悉皆圓滿無量億梵王圍遶恭  
敬供養轉於無上微妙法輪菩薩悉見

善男子云何初地而名歡喜得出世心昔所

未得而今始得大事大用如意所願悉皆成  
就大歡喜慶樂故是故初地名爲歡喜一切  
微細之罪破戒過失皆清淨故是故二地說  
名無垢地無量智慧光明三昧不可傾動無  
能摧伏聞持陀羅尼爲作本故是故三地說  
名明地能燒煩惱以智慧火增長光明是修

行道品依處所故是故四地說名炎地是修  
行方便勝智自在難得故見思煩惱不可伏  
故是故五地說名難勝地行法相續了了顯  
現故無相多思惟了了現前故是故六地說  
名現前地無漏無間無相思惟解脫三昧遠  
修行故是地清淨無障無礙是故七地說名  
遠行地無相正思惟修得自在故諸煩惱行  
不能令動故是故八地說名不動地說一切  
種種法而得自在無患累故增長智慧自在  
故是故九地說名善慧地法身如虛空智慧  
如大雲能令遍滿覆一切故是故第十名法  
雲地初地欲行有相道是無明障礙生死怖



畏無明故是初地障礙微細罪過因無明種  
種業行相因無明故是二地障業所未得勝  
利得故動涌因無明故不具聞持陀羅尼因  
無明是三無明說三地障味禪定樂生愛著  
心無明作因是四地障一意欲入涅槃思惟  
一意欲入生死思惟是涅槃思惟是生死思  
惟無明爲因生死涅槃不平等思惟無明爲  
因是第五地障行法相續了了顯現無明爲  
因法相數數行至於心無明爲因是第六地  
障微細諸相或現不現無明爲因一味熟思  
惟欲斷未得方便無明爲因是七地障於無  
相法多用功力無明爲因執相自在難可得

度無明為因依二種。鹿心是八地障。說法無量  
名味句無量。智慧分別無量。未能攝持無明  
為因。四無礙辯未得自在。無明為因。依二種  
。鹿心是第九地障。最大神通未得如意。無明為  
因。微妙秘密之藏。修行未足。無明為因。依二  
種。鹿心是第十地障。一切境界微細智礙。無  
明為因。未來是礙。不更生。未得不更生。智無  
明為因。是如來地障。是善男子。於初菩薩地  
行向檀波羅蜜於二地行向尸波羅蜜於三  
地行向羸提波羅蜜於四地行向毗梨耶波羅  
蜜於五地行向禪那波羅蜜於六地行向般若波  
羅蜜於七地行向方便勝智波羅蜜於八地行向

願波羅蜜九地行向力波羅蜜十地行向智  
波羅蜜善男子菩薩摩訶薩初發心名妙寶  
起三摩提攝受得生第二發心可愛住三摩  
提攝受得生第三發心難動三摩提攝受得  
生第四發心不退轉三昧攝受得生第五發  
心寶華三昧攝受得生第六發心日圓光炎  
三昧攝受得生第七發心一切願如意成就  
三昧攝受得生第八發心現在佛現前證住  
三昧攝受得生第九發心智上三昧攝受得  
生第十發心首楞嚴摩伽三昧攝受得生  
善男子是諸菩薩摩訶薩十種發心  
善男子菩薩摩訶薩於此初地依功德力名

陀羅尼得生爾時世尊而說呪曰

哆姪他反天可富樓拏 那羅提 豆吼 豆吼豆

吼 耶跋修瑜 烏波娑娑底 耶跋 旃陁 魯提

俞多底 哆跋駱懺檀地波 履訶山風苟留莎訶

善男子是陀羅尼名過一恒河沙數諸佛為

救護初地菩薩誦持此陀羅尼呪得度脫一

切怖畏一切惡獸一切惡鬼人非人等災橫

諸惱解脫五障不忘念初地善男子諸菩薩

摩訶薩於此二地善安樂住名陀羅尼得生

哆啞他鬱闍禍戾盲履盲履 鬱社羅南

禪斗禪斗 鬱社禍離 吼柳吼柳 莎訶

善男子是陀羅尼名過二恒河沙數諸佛為

護二地菩薩誦持此陀羅尼呪得度脫一切  
怖畏一切惡獸一切惡鬼人非人等怨賊災  
橫諸惱解脫五障不忘念二地善男子菩薩  
摩訶薩於此三地難勝大力名陀羅尼得生  
哆啞他 檀陀枳般陀枳 柯羅智 高懶  
智 枳由罽 檀知罽 莎訶

善男子是陀羅尼名過三恒沙諸佛爲救護  
三地菩薩誦持陀羅尼呪得度脫一切怖畏  
一切惡獸虎狼師子一切惡鬼人非人等怨  
賊災橫諸有惱害解脫五障不忘念三地  
善男子菩薩摩訶薩於此四地大利益難壞  
名陀羅尼得生

咬啞他 尸利尸利 陀彌拵陀彌拵 陀

履陀履拵尸履尸履拵 陛捨邏婆細波豕

那盤陀底 莎訶

善男子是陀羅尼名過四恒河沙諸佛為救

護四地菩薩誦持陀羅尼得度一切怖畏一

切惡獸虎狼師子一切惡鬼人非人等怨賊

災橫及諸毒害解脫五障不忘念四地

善男子菩薩摩訶薩於此五地種種功德莊

嚴名陀羅尼得生

唵啞他 訶里訶里拵 遮履遮履迦羅摩

拵 僧迦邏摩拵 三婆訶沙拵剌婆訶搃

悉耽婆訶拵 謨訶拵 莎琰部吼陛莎訶

善男子是陀羅尼名過五恒河沙諸佛為救  
護五地菩薩誦持陀羅尼得度一切怖畏一  
切毒害虎狼師子一切惡鬼人非人等怨賊  
災橫諸有惱害解脫五障不忘记五地  
善男子是菩薩摩訶薩於此六地圓智等名  
陀羅尼得生

哆啞吡 毗頭罽 毗頭罽 摩履掘 柯履

柯履 苾頭誘訶底 溜溜溜溜 音轉 周柳

周柳 杜魯婆杜魯婆 遮遮遮者婆娑娑薩

活私底 薩婆薩埵悉南 彌斗曼多羅

波拖 莎訶

善男子是陀羅尼名過六恒河沙諸佛為救

護六地菩薩誦持陀羅尼得度一切怖畏一  
切毒害虎狼師子一切惡鬼人非人等怨賊  
災橫諸有惱害解脫五障不忘念六地善男子  
菩薩摩訶薩於此七地法勝行名陀羅尼得生  
哆啞咄闍訶闍訶漏 闍訶闍訶闍訶漏  
鞞柳枳鞞柳枳 阿蜜多邏伽訶多拏婆力  
灑拏 鞞柳恥枳 婆柳波底 鞞提喜枳  
頻陁鞞履拏 蜜栗咀底枳 蒲蒂蒲蒂莎訶  
善男子是陀羅尼名過七恒河沙諸佛為救  
護七地菩薩誦持陀羅尼呪得度一切怖畏  
一切惡獸虎狼師子一切惡鬼人非人等怨賊  
毒害災橫解脫五障不忘念七地善男子菩



薩摩訶薩於此八地無盡歲名陀羅尼得生

哆啞咤 死履死履 始履始履 寐底

柯履柯履 訶履訶履 醯柳醯柳 周柳

周柳 伴陁寐 莎訶

善男子是陀羅尼名過八恒河沙諸佛為救

護八地菩薩誦持陀羅尼得度一切怖畏一

切惡獸虎狼師子一切惡鬼人非人等怨賊

毒害災橫解脫五障不忘念八地善男子菩

薩摩訶薩於此九地無量門名陀羅尼得生

哆啞咤 訶底 六履反 旃地履枳 俱嵐 婆

邏梯 斗邏死 拔吒拔吒死 死履死履

柯死履 柯補修履 薩活私底 薩婆薩

埤南 莎訶

善男子是陀羅尼名過九恒河沙諸佛為救  
護九地菩薩誦持陀羅尼得度一切怖畏一  
切惡獸虎狼師子一切惡鬼人非人等怨賊  
毒害災橫解脫五障不念九地  
善男子菩薩摩訶薩於此十地破壞堅固金

剛山名陀羅尼得生

哆啞咄

悉提醯修悉提醯

婁者祢婁差

祢

毗目底

阿摩訶

毗摩訶

涅摩訶

曹伽訶

喜懶若伽賴陞

刺那伽賴陞

娑曼多跋陀提訶

薩跋刺他娑陀提

摩

那死摩訶摩那死

遏部吼底

遏哲部吼

底 婆邏提毗邏提 過周底 阿美里底

阿羅是 毗羅是 婆覽訶寐志已 婆覽訶

未 富婁祢 富婁那摩怒邏體 莎呵

善男子是陀羅尼灌頂吉祥句名過十恒沙

諸佛為救護十地菩薩誦持陀羅尼呪得度

一切怖畏一切惡獸虎狼師子一切惡鬼人

非人等怨賊毒害災橫解脫五障不忘念十

地是時師子相無礙光炎菩薩即從坐起偏

袒右肩右膝著地合掌恭敬頂禮佛足即以

偈誦而讚嘆佛

敬禮無譬喻 說深無相義 衆生妄想見

世尊能濟度 世尊佛眼故 無見一法相

無上尊法眼 見不思議義 不能生一法  
亦不滅一法 爲平等見故 尊至無上處  
不損生死故 願尊證涅槃 過二法見故  
是故證寂靜 卍尊智一味 淨品不淨品  
不分別界故 獲無上清淨 卍尊無邊身  
不說一言字 一切弟子衆 飽滿法雨故  
衆生相思惟 一切種皆無 困苦諸衆生  
卍尊普救濟 苦樂常無常 有我無我等  
如是衆多義 卍尊慧無著 卍間不一異  
譬如空谷響 不度亦不滅 唯佛能了知  
法界無分別 是故無異乘 爲度衆生故  
分別說三乘

是時大自在梵王於大會中從座而起偏袒  
右肩右膝著地合掌恭敬頂禮佛足而白佛  
言世尊希有難量是金光明經微妙之義究  
竟滿足皆能成就一切佛法一切佛恩佛言  
如是如是善男子如汝所說善男子若得聽  
聞是金光明經一切菩薩不退阿耨多羅三  
藐三菩提何以故善男子是不退地菩薩成  
熟善根是第一印是金光明微妙經典衆經  
之王故得聽聞受持讀誦何以故善男子若  
一切衆生未種善根未成熟善根未親近諸  
佛不得聽聞是金光明經善男子是金光明  
經以聽聞受持故是善男子善女人一切罪

障悉能除滅得持清淨常得見佛不離世尊  
常聞妙法常聽正法生不退地師子勝人而  
得親近不相遠離無盡無減海印出妙功德  
陀羅尼無盡無減衆生意行言語通達陀羅  
尼無盡無減日圓無垢相光陀羅尼無盡無  
減滿月相光陀羅尼無盡無減能伏一切惑  
事功德流陀羅尼無盡無減破壞堅固金剛  
山陀羅尼無盡無減說不可說義因緣藏陀  
羅尼無盡無減真實語言法則音聲通達陀  
羅尼無盡無減虛空無垢心行印陀羅尼無  
盡無減無邊佛身能顯現陀羅尼善男子如  
是諸陀羅尼等得成就故菩薩摩訶薩於十

方一切佛土諸化佛身說無上種種正法於  
法如如不動不去不來善能成熟一切衆生  
善根亦不見一切衆生可成熟者說種種諸  
法於諸言辭不動不去不住不來能現生滅  
向無生滅說諸行法無所去來一切法無異  
故說是金光明經已三萬億菩薩摩訶薩得  
無生法忍無量諸菩薩不退菩提心無量無  
邊比丘得法眼淨無量衆生發菩薩心是時  
世尊而說偈言

逆生死流道

甚深微難見

貪欲覆衆生

愚冥暗不見

是時大會之衆從座而起偏袒右肩右膝著

地合掌恭敬頂禮佛足而白佛言若有處處  
講宣此金光明經是會大眾皆悉往彼為作  
聽眾是說法師種種利益安樂無障身心泰  
然我等皆當盡心供養今諸聽眾安隱快樂  
是所國土無諸怨賊恐怖之難無飢饉畏無  
非人畏人民興盛是說法處一切諸天人非  
人等及諸眾生不得從上而過行漫說法之  
處何以故說法之處即是其塔善男子善女  
人應當以諸香華繒綵幡蓋供養是說法處  
我等為作救護利益消除一切障礙隨其所  
須如意供給悉令具足

佛言善男子如是汝等應當精勤修行如此



經典則法又住於世

合部金光明經卷第三

化

臆

音憶

羸提

上初

初眼

普洽

下侯

夾洗

浣

伴

詰難

上去

聲一

鎧仗

改上

反苦

涌

音勇

下

握

女履

反又

跋

蒲末

瑜

音俞

施

嵐

郎

苟

音垢

莎

蘇和

戾

要帝

枳

柯

音歌

詈

力反

邏

郎賀

豕

式

剡

反

埴

披力

苾

類必

溜

力救

堙

丁果

但

上良

一

蒂

之九

醯

乎

梯

他

反

媯

上

莫

補

懈

下

禘

乃禮

反

未

差

上

又

楚

懈

涅

反女

反

下

丁

達

反

音

祢

反

結

反

下

丁

達

反

音

祢

反

結

反

下

丁

達

反

音

祢

反

結

反莫登

刺

反郎達

過

反烏割

繒綵

陵上

反自



